



Universitätsbibliothek Paderborn


**Wolgeborenen Vettern/ Ernfesten/ Fro[m]men/
Vorsichtige[n] vn[d] Ersame[n] Liebe[n] Besondern/
Gu[n]stige vn[d] gûte Freunde/ E. L. vn[d] jr andern
wissen onzweiffel euch wol zu erinnern/ wie offt**

Erzdiözese Köln

[Köln], [1546]

VD16 ZV 9076

urn:nbn:de:hbz:466:1-35148



Th. 1440 a.

1. Caroli V edictum v. novatores. Worms 1521
2. —— Capitula dñi Colunm dñs
Ind. R. L. L. v. blsber. C. 1544,
3. Capitul. de obissimis dñi corporis & C. 1544.
4. dñs Palb. missus dñs Gregorij, dñs
Pandiculan regis justitia, mit
dñs Anna erkennt.
5. Appellatio coloniensium in C Relig. 44
6. dñs Capitul. na dñs Gab. p. 25 Oct. 44.
7. Citatio Imperatoris v. Archicp. Col. 45
8. Appellatio Archicpisci.
9. Citatio Curiae Rom. v. Archicp.
10. Responsio cleri Col v. appel. archip.
11. Carls V. Disp. br. p. dñs Col.
12. Jo Cocklaens ad Capit. col. 1. Aug 45.
13. Herm Archicp. ad Wormatenses
14. idem ad Imp. Carolum V.
14. Cocklaens pro Roffensi et Thoma
Mon.
15. Capitul. p. C vnu dñs dñm dñp. 8 Aug 45
16. dñs Palb. vnu dñs Markop. dñm dñp.
17 Nov 45

Die alte Nummerierung ist falsch.

Insgesamt 30 Stücke!

St. Michael, Bonn
spät 1957

17. dat Decrpalz C. proln Rist
zynne van Anna Liedtq. 7 Dec. 45

18. Senkendia Nuntii ap. jro
Capitulo V. decaum.

19. Papmachine der drei verschillende
soorten van dat Decrpalz
niet den Onderstaet.

Wil gebornen Vettern / Erinfesten / Frö
 men / Vorsichtige vñ Ersame Liebē Besondern / Gū
 stige vñ gute freunde / E. L. vñ jr andern wissen on-
 zweifel euch wol zu erinnern / wie oft vñ filmals vor
 dieselb E. L. vñ euch / als vnserre liebe Erbeinigungs
 verwandten vnd mitglieder dißes Alten vnd Löblichen Erz-
 stifts / vfffillen gehaltenen Landtagen / vnd sunst schriftlich
 vnd mündlich ganz getrewer wolmeinung ersucht / ermant vñ ge-
 betten haben / bei vnser Alten / Waren / Christlichen vñ Catholi-
 schen Religion bestendig zu pleiben / vnd dar wider bei E. L. vnd
 Euch keyne newerung eyntkommen zu lassen / alles nach lauth vnd
 inhalt der Römscher Keiserlicher Maiestat vnsers Aller gnedig-
 sten Herren Edicten / Reichs Abschieden / Mandaten / Gepot vñ
 Verpots / Schutz vnd Schirmbriessen / Decreten vnd Erkent-
 nissen. Und wie wol wir genzlich verhosset E. L. vñ jr solten
 in sonderheit zu herze gefurt haben das letzt Keiserlich Decret /
 darin Seyn Maiestat E. L. vnd Euch / samptlich vñ sonderlich /
 mit sölchem hohen Ernst geposten hat / den newerungen so hier-
 wider durch den hochwirdigsten Churfürsten vnsern G. Herren
 in anstellung newer predicanen vnd anders / vorgenommen / in kein
 weis anzuhangen / noch darin zu bewilligen / noch in denen seyn
 C. G. einicher manier zu gehorsamen / oder einichen beistant oder
 vergunstigung zu thün / in was gestalt das auch beschehen möcht.
 Und was newerungen dar wider vorgenommen / inwendig xv. ta-
 gen den negsten nach verkündigung bemelts Keiserlichen De-
 crets / widdrer abzustellen / Alles bei verwirckig jrer Keiserlicher
 Maiestat schwerster vngnad / vnd bei verlierung aller E. L. Pri-
 uilegien / Freiheiten / Regalien / Lehen / vnd anderer güter vñ ge-
 rechtigkeiten / Auch bei der Peen der Keiserlicher Acht vñ Abet-
 acht / Darin die Keiserliche Maiestat E. L. vñ Euch / die das wie
 obgemelt nit thün wurden / mit der that vnnachlessig gefallen zu
 seyn / decerniert vñ erkendt hat / alles weiters inhalts bemelts De-
 crets. So besynden wir doch leider im werck / das nit alleyn
 all vnser vorig getrewes ermanē / ja auch sölch Keiserlich Decret
 bis her weinig gewirkt hat / Weil nit alleyn die neuwerunge als
 zu Aldernach / Bosi / Lyns / Kempen / vnd in andern Stettē / flec-
 ken vnd Dörfferen / vor Datum des Decrets vorgenommē / nit ab-
 gestellt / Sonder das zudem mitler weil vñ siether berünter verkü-
 digung fill geschwinder dan vor wider das bemelt Keiserlich De-
 cret an fillen orten gehandelt / vñ die verpotten newerungen erst

vñ zu Clus/ Keyserfwerdt vñ an andern orten ingefurt wordē/vñ
noch heutigs tags vor vnd vor inzufuren embigs fleiß vnderstan-
den werden/ In wölc hem dan E.L. vñ jr hochgemelē vnserm G.
herren nit widerstehen/noch den gehorsam (vermög des Keyser-
lichen befelchs)nit entziehē/ aber mehe die dynge dem alle stracks
zugegen bei euch vornehmen vnd eynreissen lassen.

Nach dem nū bei allermeniglich leichtlich abzunemmen / das die
Keyserliche Maiestat ab sölchem allem nit eyn gerynges missfal-
lens emphahen vnd tragen/vnd wie zu besorgen)eynmal endtlich
vnderstehen wirdt/ was yr Maiestat in disem mit sölchem grossen
ernst Decerniert vnd erkendt / wircklich zu Equiren/ Daruß
dan zu letzt disem Erzstifts/vnd in sonderheit E.L. vñ euch/ jren
weyb vnd kynden vnd nachkommen/eyn vnuwiderbringlicher vñ
verderblicher schade vñ nachtheil (wo dem in zeiten nit vorkomē)
erfolgen möcht. So haben wir (als die Erbherre dīs Erzstifts/
den vermbge vnsere eydt vnd pflicht vor andern obligt den nuz/
frommen vnd wolfart dīs Erzstifts fleissig zu bedecken / vñ alles
vermögens zu beforderen/ vñ hinwidder desselbigen schadē/nach-
theil/ verderben vñ vnderganck/ so vil menschlich vñ möglich zu-
vorkommen)nit vnderlassen mögen/ E.L. vñ euch/ samptlich vnd
sonderlich/ als vnsere besondere liebe Vetttern / Oehm/ Schwā-
ger/ auch mitgliidder vñ einigungs Verwandten vñ zugethanen/
nochmals vñ zum überflus getrewes fleiß zuersuchen/zuermanen/
vnd dīs alles was E.L. vnd euch hieruf entstehen möcht zuerin-
nern / vnd in notwendige vñ eylende betrachtung desselbigen zu
füren / Vñ das destmehe/weil jr (on allen zweifel gleichs vns) in
glaubliche vñ gewisse erfarnis kōmen / das jre Maiestat diser zeit
in grosser mechtiger Expedition vñ rustung ist / in meynung den
vngehorsam im Reich zu straffen. Darumb ist an E.L. vñ euch
samptlich vnd sonderlich/ vnsere freuntlich / gütlich / herzlich/
trewlich vñ fleissigst/ auch gnedig bitt/ begern vñ gesinnē/ E.L.
vñ jr wöllen dise sachen nach aller nootturst on allen lengern ver-
zug zu herzen füren/ vnd in bedenckung aller gestalt der sachen/
hochgemelten vnsern G.heren dahin vermögen/sich vñ vngehor-
sam in den schuldigē gehorsam der Keys.Mai. alſ bald vñ onwei-
gerlich zugegeben. Wo aber das bei seyner C.G. (des wir dan-
noch nit hoffen wollen / dweil der Fursten herzter in der handt
Gottes seyndt)nit zu erhalte were/das jr dan vor euch selbst euch
in schuldigen gehorsam der Keyserlichen Maiestat begiben/ vnd
vor allen begangen vngehorsam yre Keyserliche Maiestat zum
vnderthenigsten(vñ das vnuerzöglich) bitten/die gefaste vngnad

in gnad/durch erzeigung schuldiger vnd gebutlicher vnderthenigkeit wenden/vnd die straff vorkömen / vnd euwere weib vñ kynde vnd euwere nachkommen vor vnwidderbrenglichem nachtheil vñ schaden/vnd dis lôblich Erzstift vor ewigem verderben vñ vns der gäg zuuerhüten/wie E. L. vnd jr das je vñ naturlicher neiging vnd anmütung/vnd sust vñ pflicht zu thün schuldig seidt.

Solt aber dise vnsere letste ganz freundliche gnedige getrewe vnd gütige warnung/ermanung vñ ersichung noch alles vor ist verges vnd verachtung gestelt werden / des wir doch nit verhoffen wöllen/ In sôlchem fal wöllen wir vns hiemit gegen Got den Almechtigen/vnd der ganzen welt bezengt haben/das wir al das jhenig das zu erhaltung dis Erzstifts/vñ zu E. L. vnd der yren nuz vnd wolhart/vnd zuvorkömung jrs selbst schadens vnd verderbens dienlich/vnsers meisten fleiß gesucht / vnd an vns nichts erwynden lassen haben/ Vnd das darumb wo hieüber durch E. L. vñ euwer se umnus dis Erzstift vñ die Ingessen desselbigen in schadē vñ zuverderbe gefürt würde/das E. L. vñ yr des vrsacher seynd/vnd sôlchs niemants dan euch selber zu weissen / Vnd wir vns des wider niemâts dan wider E. L. vñ euch (als die vrsacher) in kunsfig zeit zubeklagen haben. Das wir E. L. vnd euch zum überflus/sie brüderlich vnd trewlich zu warnen/nit haben verhalten wöllen. Denen wir freuntlich zu dienen/vnd danknemigs gefallen/gunst vnd gnad zu erzeigen geneigt seindt. Datum vns der vnsers Capittels Siegel/ am letste Junij/im jar vnsers Herzen M. D. xlvi.

Affterdechant vñ Capittel des hohen
Dhomstifts zu Cöllen.

and so forth, and the like.



189

Th
1440a